



Број: 01/4-50-3-4-5/15

Сарајево, 26.2.2015.

## Z A P I S N I K

### 5. sjednice Komisije za finansije i budžet

#### Predstavničkog doma Parlamentarne skupštine BiH,

održane 24.2.2015., od 12,30 do 13,30 sati.

Sjednici Komisije prisustvovali su članovi: Salko Sokolović, Nenad Lalić, Dušanka Majkić, Mirsad Isaković, Aleksandra Pandurević, Amir Fazlić, Damir Bećirović i Jasmin Emrić.

Opravdano je odsustvovao Vjekoslav Bevanda.

Sjednici su, također prisustvovali: Mirsad Đonlagić, poslanik u Predstavničkom domu PSBiH, Sehiya Mujkanović, pomoćnik ministra, Nedeljko Tanasković, šef odsjeka u Ministarstvu finansija i trezora BiH, Lazar Prkačin, savjetnik, Jelena Brkić, stručna saradnica u Kabinetu predsjedavajućeg Vijeća ministara BiH, Maja Ribar, politički savjetnik EUSR, Elma Muratović, saradnica, Karlo Holub, saradnik, Aleksandar Paleksić, saradnik u USAID SGIP, Nejra Neimarlija-Roić, saradnica Instituta za razvoj mladih KULT, Robert Vidović, sekretar Komisije za finansije i budžet Doma naroda PSBiH, Alma Salkić, stručna savjetnica, Aida Kreho, stručna savjetnica u Zakonodavno-pravnom sektoru Sekretarijata PSBiH, Jovica Katić, stručni savjetnik u Sektoru za odnose s javnošću Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici je također prisustvovala predstavница medija Snežana Samardžija, novinarka SRNE.

Sjednicom je predsjedavao Salko Sokolović, prvi zamjenik predsjedavajućeg Komisije.

Za sjednicu je predložen sljedeći

### DNEVNI RED

1. Usvajanje Zapisnika 4. sjednice Komisije;
2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanici iz Kluba SBBDiH);
3. Razmatranje inicijative poslanice Aleksandre Pandurević, koja glasi: „U skladu s članom 8. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14), pokrećem inicijativu za uvrštavanje u dnevni red tačke: *Informacija Centralne banke BiH o problemima korisnika kredita ugovorenih s klauzulom o indeksiranju obaveze u švicarskim francima i mjerama preduzetim za rješavanje ovih problema*“;

4. Tekuća pitanja:
  - a) Upoznavanje s Informacijom Tužilaštva BiH, od 13.2.2015.;
  - b) Upoznavanje s Informacijom Visokog sudskog i tužilačkog vijeća BiH, od 11.2.2015.;
  - c) Upoznavanje s dopisom Suda BiH u vezi s primjedbama na Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou BiH, od 9.2.2015.

Komisija je jednoglasno usvojila dnevni red.

#### **Ad.1. Usvajanje Zapisnika 4. sjednice Komisije**

Zapisnik 4. sjednice Komisije za finansije i budžet usvojen je jednoglasno bez primjedbi.

#### **Ad. 2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanici Kluba SBB-a BiH)**

Prvi zamjenik predsjedavajućeg Komisije Salko Sokolović istakao je da je Predstavnički dom Parlamentarne skupštine BiH 11.2.2015. razmatrao i usvojio Prijedlog zakona u prvom čitanju, te da je poslanik Nikola Lovrinović u amandmanskome roku uložio jedan amandman na Prijedlog zakona.

Potom je otvorena rasprava u kojoj su učestvovali: Salko Sokolović, Aleksandra Pandurević, Dušanka Majkić i Mirsad Đonlagić, poslanici u Predstavničkom domu Parlamentarne skupštine BiH.

Nakon rasprave, Komisija je jednoglasno odbacila uloženi amandman poslanika Nikole Lovrinovića.

Potom je Komisija pristupila glasanju o Prijedlogu zakona, te je jednoglasno prihvatila Prijedlog zakona o izmjeni Zakona o plaćama i naknadama u institucijama Bosne i Hercegovine u drugoj komisijskoj fazi.

#### **Ad.3. Razmatranje inicijative poslanice Aleksandre Pandurević, koja glasi: „U skladu s članom 8. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14), pokrećem inicijativu za uvrštavanje u dnevni red tačke: *Informacija Centralne banke BiH o problemima korisnika kredita ugovorenih s klauzulom o indeksiranju obaveze u švicarskim francima i mjerama preduzetim za rješavanje ovih problema*“**

Poslaničku inicijativu obrazložila je Aleksandra Pandurević.

Potom je otvorena rasprava u kojoj su učestvovali: Dušanka Majkić, Salko Sokolović i Aleksandra Pandurević.

Nakon rasprave, Komisija je, sa šest glasova „za“, jednim glasom „protiv“ i jednim „suzdržanim“ glasom, podržala inicijativu poslanice Aleksandre Pandurević, koja glasi: „U skladu s članom 8. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14), pokrećem inicijativu za uvrštavanje u dnevni red tačke: *Informacija Centralne banke BiH o problemima korisnika kredita ugovorenih s klauzulom o indeksiranju obaveze u švicarskim francima i mjerama preduzetim za rješavanje ovih problema*“.

**Ad.4. Tekuća pitanja:**

- a) Upoznavanje s Informacijom Tužilaštva BiH, od 13.2.2015.;**
- b) Upoznavanje s Informacijom Visokog sudskog i tužilačkog vijeća BiH, od 11.2.2015.;**
- c) Upoznavanje s dopisom Suda BiH u vezi s primjedbama na Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou BiH, od 9.2.2015.**

Prvi zamjenik predsjedavajućeg Komisije konstatirao je da je Komisija primila k znanju Informacije Tužilaštva BiH i Visokog sudskog i tužilačkog vijeća BiH, te dopis Suda BiH, od 9.2.2015.

**Sekretar Komisije**

Željko Kosmajac

**Prvi zamjenik predsjedavajućeg Komisije**

Salko Sokolović